


# Resumen de Génesis

## Volumen 1

### Capítulos 1-11



En el tepehua de Pisa Flores, Ver.



# **Resumen de Génesis**

## **Capítulos 1-11**

**Tepesua de Pisa Flores, Ver.**

**LAS SAGRADAS ESCRITURAS PARA TODOS**



**LA LIGA BIBLICA, A.C.**  
México, D.F.

Los dibujos son propiedad de Alice Paschal.

**©La Liga Bíblica, A.C. 2002**

Primera edición 1999 1C

Segunda edición 2002  
Resumen de Génesis, Capítulos 1-11  
Tepehua de Pisa Flores, Ver.  
02-084 México, D.F. .5C

# 1. DIOS ILHTUL AN LAKAT'UN CHI AN LAKT'IYAN

*(Basado en Genesis 1:1 – 2:4)*

Yu ma'anchacha jantuka' tu'u ix'alin. Jantuka' ix'alin a'stitauk'a nin la'x'atij nin alamalh nin jach'at'in, nin jatalhitsukuti, nin lapanakni, nin lakt'iyan.

Jantu tu'u ix'alin an wilhchan, ni an malhkuyu', ni an st'akunin, pero Dios ix'alincha.

Dios tapujul ilhtul an lakat'un chi an lakt'iyan, chunchacha ilhtul. Wa p'ulhnaj an lakat'un wa puwak ixjunita chi s'oya' ixjunita. Wa xkani ix'ukx'anta an lakat'un chi an ix'Espiritu an Dios ix'ukxlaklaycha.


# Dios



Ixhip'ulhnaj wilhchan Dios naulh li kaputunkulh pus putunkulhcha. Pus chunchacha yu lhi'ilhtulh an japutunkunu' chi an jatats'isni.

Ixlhila'at'uy wilhchan Dios ilhtulh li an la'atam parte an xkan kacha'alh an lakt'iyan. Yucha ilhtuchalh ixlhila'at'uy wilhchan.


Ixlhila'at'utu wilhchan Dios lamamakawnilh an lakat'un chi an alamalh, chi naulhcha li katata'ayalh an jach'atin chi an k'iw an lakat'un. Wachu' naulh li la'atamin jach'atin chi la'atamin k'iw katalhitsukuya' xatalhts'i para chuncha ka'alilh



k'iw chi jach'atin yu wanajcha yucha ixjamatsan lay katata'ayalh. Dios la'ts'ilh li sawalh oxi walh yu ix'ilhtutacha.

Ixlhila'at'at'i wilhchan Dios ilhtulh an wilhchan, an malhkuyu' chi an st'akunin chi ja'ulalh an lakt'iyan. Laniy laycha kapuk'atsakalh an jatunkunu' chi an jatats'isni talakapaxa'anta chi an k'ata. Chi an Dios la'ts'ilh an yu x'ilhtuta, sawalh oxi walh.

Ixlhila'akisi wilhchan Dios ilhtulh chux an jatalhitsukut yu tat'ajun an lakxkan, chi wachu' an ts'o'on. Wa chuncha Dios la'ts'ilh li sawalh oxi yu ix'ilhtuta pus jajunilh an jatalhitsukut an yu tat'ajun an lakxkan chi an ts'o'on li wanaj lhu katalhitsukulh sas'at'ak'an chi katalakapuch'apalh chux an lakamunulhpa'.







Ixlhila'achaxan wilhchan Dios ilhtul chux an jatalhitsukut yu tat'ajun lakat'un. Ilhtulh an reptiles chi an jatalhitsukut yu tat'ajun lakak'iwin yu tats'ik'iy akxni tatsukuy. Wanajcha yu wilhchan Dios ilhtulh wachu' an lapanak chi xta'nilh la'atam lhich'alkat li kach'alhkatnalh an lakat'un chi kalhistaklhi an chux jatalhitsukut. Pus chunchacha ilhtulh an lapanak chi an t'ak'u.

Yu'uncha tacha ixt'atam lanan tacha Dios pero jantu tu'u la'atam jatahitsukut yu chuncha. Dios jajunilh li wanaj lhuu katalhitsukulh sas'at'ak'an, chi an sas'at'ak'an wachu jajunikalh li kata'alh tawlhni taxlhijalhi'ay an lakat'un, chi jajunikalh li kata'ulh an jach'atin tacha ixwaytk'an. Dios la'ts'ilh an yu ilhtulh li sawalh ox.

Ixlhila'atujun wilhchan Dios ix'ilhtu'ojotacha an lakamunutpa' chi an lakt'iyan chi chuxcha an yu alincha ancha. Pos ixlhila'atujun wilhchan jastaknalh chi naulh li an ixlhila'atujun wilhchan la'atam wilhchan yu para Dios.

## **2. DIOS ILHTULH AN P'ULHNAJ LAPANAK**

*(Basado en Genesis 2:5 – 25)*

Akxni Dios ilhtulh an p'ulhnaj lapanak yu aniy lakat'un sunulh an la ixlhixin chi xta'nilhcha jatsukunti. Pus ilhtul la'atam jardin sawalh oxi



lakatam lakat'un yu junikalh Edén para  
anchacha katatawilh an lapanakni. Wachu'  
jaxta'nilh tapatsat jajunilh li  
katajalakch'ananalhcha chi katalhistaklhicha an  
jardin.

Jajunilh li lay kata'ulh an xajatawk'at an chux  
an k'iw an laka jardin pero jantu lay kata'ulh

xajatawk'at a'atam an k'iw. Jajunilh li jantu  
katita'unilh xajatawk'at yucha an k'iw, li kata'uniya  
an xajatawk'at katak'atsaya' yu oxi chi yu jantu oxi.


Dios jajunilh li kata'uniya' an xajatawk'at an  
k'iw kataniya'.

### **Dios ilhtulh an t'aku'**

Wa chuncha an Dios pastaklhi li an lapanak  
kama'lhtask'iniya' xamati' yu kat'atawilh chi yu  
ka'a'tayjulh, chi jalhimilh chux an jatalhitsukut  
ta'an ixwilh an lapanak para ka'ulanilhcha  
ixta'a'utk'an an la'atamin jatalhitsukut pero nin  
la'atam xajchalh yu ka'a'tayjulh an lapanak.

Pus xlihyu' an Dios malhtatalh an lapanak, chi  
maxtunilhcha la'atam jalukuti la ixja'elni pus  
yuchacha ilhtulh an t'aku'. Kujcho'olhcha an  
lapanak, an Dios masuniycha an t'aku'. An lapanak  
achancha pus najun:

—¡Uxint'i ilht'uk'a an la kilakatunaj! Ajkunan  
t'aku', porke yucha an lapanaki p'u'ilht'uk'a.



Pus xlihyu li an lapanakni tamakajun an  
ixlakpaynink'an para tat'atsukuycha an ixt'iwik'an,  
chi an ixt'uyunk'an wa tacha pumatamcha lapanaki  
tajun.

Akxni an lapanak chi an t'aku' la'alhalhaniy  
ixtajunita pero jantu ixtamaxanan.

**3. AN P'ULHNAJ LAPANAK CHI AN  
P'ULHNAJ T'AKU' JANTU  
TA'ASMATNILH AN DIOS**

*(Basado en Genesis 3)*

An p'ulhnaj lapanak chi an p'ulhnaj t'aku'  
ixtawilanalh laka k'usi jardin ta'an ix'ilhtuta Dios.  
An tsapulh sawalh s'alalh ixjunita tacha  
ixlhila'achuxk'an an jatalhitsukuti yu Dios  
ixja'ilhtuta.

**An tsapulh o'xcho'olh an Eva**

Milh la'atam wilhchan an tsapulh la'alh an t'aku'  
lhisakmilh:

—¿Kachuncha tajunan an Dios li jantu  
k'at'i'ut'it'i an jatawk'ati an laka jardin?

An t'aku' junilh:

—Klhit'awnaw permiso li lay ak'uw an  
xajatawk'ati an ch'ux an k'iw. Pero an a'atam k'iu  
ma jantu. Dios kintajunan li ma ak'uyaw an



xajatawk'ati an k'iw, ma si li ma wa  
ak'akatach'apawcha ma akniyaw.

An tsapulh o'xch'o'olh an t'aku', juniy:

—Jantu k'at'init'it. An Dios k'atsay li  
k'a'uyap'it'it an jatawk'ati, k'ak'ats'ayap'it'it yu oxi  
chi yu jantu oxi, pus wanaj tacha Dios k'a'unap'it'it.  
An Adán chi an Eva jantu ta'asmatnilh an Dios.



An t'aku' kijklaka'ilh an tsapulh pus la'tsilh an k'iw. Chi la'ts'ilh an xajatawk'ati li oxi pastaklhi lisna sawalh kan chi ali oxi lhiwilalh li tacha Dios kawalh. Pus wa chuncha p'uxlhi an xajatawk'ati an k'iw, chi ulh. Xlhi'astan lhi'anilh an ixt'apapa' wachu ulh. Pus akxni talhakapu'alh li wa la'alhalhaniy ixtat'ajun, pus jala'axt'a'kalh la xajach'atin higo.

Akxni ta'oxalcha, an wilhchan xta'aknut'awnachalhcha an lapanak chi an t'aku'





ta'alha'asmatlhi ixchiwinti an Dios an laka jardin.  
Akxni jat'asanilh, tatalhanalh chi tatatse'nilh.

Wa chuncha Dios lhisakmilhcha an lapanaki :

—¿Tanijscha t'a'uni?

An lapanak alhtaylh:

—K'asmatlhi an minchiwinti pus iktalhamnin  
porke wa alhalha xajkunita, xliyu' klhitatse'lhi.

Wa chuncha an Dios juniy:

—Jantu xamati' junan li wa alhalha k'at'i  
ix'unit'a. ¿Ka'o'sliya ut'i ancha xajatawk'ati an k'iw  
an yu ikjunan li jantu ka'uyap'it'it'? Porke li jantu  
ut'a, jantu ixlhak'ap'up'i.

Pus akxni an lapanak najun:

—An t'aku' an k'ixt'a'nin kint'a'ulh an  
jatawk'ati. Kit'in k'ulh.

Wa chuncha an Dios lhisakmilh an t'aku'  
tuchini ilhtulhcha, yucha najun:

—An tsapulh ki'o'xcho'olh, xlihiy klhi'ulhcha  
an jatawk'ati.

### **Dios jamapulhijk'atsanilcha**

Wa chuncha an Dios ja'ulanilh la'atam  
lhima'alh'ajna an tsapulh, chi an t'aku' chi an  
lapanak. An tsapulh junikalh li wa katatanxe'e'ana'  
la ixpajan. An sas'at'a an tsapulh katipxa' an  
sas'at'a an t'aku' la ixtimusni ixch'aja'. Chi an  
sas'at'a an t'aku' kach'intamaniya' an x'a'tsulh an  
sas'at'a an tsapulh. An t'aku' junikalh:

—La minjamas'at'anti kaxkaniyan chi an  
mint'apapa' kamandarlayan.

An lapanak junikalh li jantu oxi li asmatnilh an  
ixt'iwi', chi li ulh an jatawk'ati. Akxni wanaj p'asni  
tsukunilh tapatsay para puxkawxtulhcha yu  
ka'uya'. Wa sicha jalhtukun, chi jach'atincha  
tsukulh ta'ayay lakat'un. Wachu' junilh li an  
ixlakatunaj wa po'xmi lhi la oxikanta. Katapapaya'  
chi kanicho'oyacha. A'tamcha, wa po'xmi  
kajunpala'. Wa chuncha an lapanak yu junkan  
Adán naunputun lakat'un. An ixt'atsukunu'  
junikalh Eva, naunputun jatsukunti. Porke yucha  
xanati an chux an lapanakni yu katatsukuya'  
ixlhi'astan.



### **Dios jamaxtulh an laka jardin**

An Dios ilhtulh la'ch'iti de jaxt'a'an para Adán chi an Eva pus jamaxtulhcha an laka jardin de Edén. Jantu la'a'ilh li kata'ulh an jatawk'ati yu wanaj kaxtalhitsuku'alhilh. An Dios wa lakatam ixjayajuta an alicha k'iw. Wa chuncha an Dios jamala'achalh an lakt'iyan an querubines, li

katalhistaklhi an tan putanukan an laka jardin para  
jantu katachinpalh an t'aku' chi an lapanak, li  
kata'uputunpalh an xajatawk'ati an k'iw an yu xta'a  
jatsukunti.



## 4. AN ADÁN CHI AN EVA TALHIT'AJUNCHA SAS'AT'AK'AN

*(Genesis 4 – 5)*

### Tatsukulhcha an Caín chi Abel

An Adán t'atsukulhcha an Eva. Walh ja'aynalh,  
lhitsukulh pumatam jas'at'a, ta'ulanilh ixta'a'uti  
Caín. Ixli'astan an Eva a'tam ja'aynanpalh,  
lhitsukupalh pumatam ixts'alh, chi tajunilh Abel.





## **An Caín ma'nilh an Abel**

Akxni ta'ayalcha, an Caín wa lakakuxtu tapatsalh, chi an Abel jalhistaklhi ixjatapakxat. Milh la'atam wilhchan, an ixt'uyunk'an ta'ilhtunilh la'atam ja'ulanti an Dios. An Caín lhiminilh jatawk'ati chi talhts'i. Chi an Abel ma'nilh borregos chi taja'ulananih an Dios. An Dios sawalh oxi lhiwilalh an ix'ja'ulanti an Abel, pero an ix'ja'ulanti an Caín jantu. Wa chuncha an Caín sawalh talh'amalh.







An Dios junilh li jantu ixlhiyuchacha  
kalhitalh'amalh, chi li ka'ilhtulh yu oxi, wachu  
kala'a'ikana'. Chi wachu' junilh li jantu kati'ilhtulh  
yu oxi lay katanul la ixjatapastak'ati  
ka'ilhtuputuna' tu'u yu jantu oxi. Pero an Caín jantu  
kiklaka'iputulh. La'atam wilhchan, an Caín juniy  
an Abel:

—Ka'aw lakpixiyalhnin laka kampo.

Walh akxni tacha'alhcha an laka kampo, an  
Caín ma'nilh an ixt'ala'ajun.

## **An Dios mapulhik'atsanilh an Caín.**

An Dios jantu oxi lhiwilalh an yu ilhtulh an Caín, pus lhisakmilh:

—¿Tanijscha alh mint'ala'ajun?

An Caín maslakatinilh, juniy:

—Jantu jk'atsay kit'in. Jantu lisnali klhistaklhith'ajun.

Pero an Dios juniy:

—Wanaj jantu oxi an yu ilht'ut'a. Ijk'atsaycha li ma'nit'a an mint'ala'ajun. Xlhiyu li desde chaway, k'astak'a ma'alh'ajnanap'i. Akxni k'ach'anananap'i an lakat'un, wa lakat'ikt'i k'ama'alayap'i yu kach'anap'i. Chaway ma'at k'ap'ina'p'i, Caín —juniy an Dios.

An Caín najun:

—Jantu kaktihitayanilh wanajcha chuncha. Chi ali ktalhanan li xamati akinpaxto'lhi chi akima'nilh.

Xlhiyu' an Dios ulanilh an Caín la'atam xpumispakan li jantu xamati kapaxto'lhi jantu



kama'nilh. Wa chuncha an Caín alh taulhna' tan wanaj ma'at la'acha'an. T'atsukukalh, chi lhitsukulh pumatam ixts'alh, junilh Enoc. Ixlihi'astan la'oxilh la'atam la'acha'an, anchacha tawilh. An Enoc wachu lhitsukulh pumatam ixts'alh chi, akxni ma'ancha walh, an Caín lhuwcha tawalh an sas'at'an. Ali'in xlhistan ixjatapakxatk'an. Chi an ali'in jasanan, chi an ali'in xlakt'alhnan tsasnat.

### **An Set tsukulhcha**

An Adán chi an Eva sawalh tata'oxila'alhilh akxni nilh an Abel. Xlhi'astan talhitsukupalh



la'atam ists'alhk'an, tajunilh Set. Akxni ta'ayalhcha, t'atsukukal chi lhitsukulh pumatam ixts'alh yu junikalh Enós. An Enós chi an sas'at'an yu'uncha yu ta'a'taynilhcha tat'achiwiniy Dios.

Pumatam ixuniyapapanti an Enós junikal Enoc. An Enoc yucha pumatam lapanak ixjunita yu sawalh xkiklaka'iy Dios. Xlhiyu Dios jantu makawnilh kanilh. Lhi'alh de ani lakamunutpa', jantu mati a'tam la'ts'incho'olh. An xa'ay ixts'alh an Enoc junikalh Matusalén, nilh akxni xpakxanta 969 k'ata. An ixuniyapapanti an Matusalén junikalh Noé.

**5. AN DIOS MAKMILH LA'ATAM  
A'MUXTUT YU PULAKT'ILHILH AN  
LAKAMUNULHPA'**

*(Basado en Génesis 6 – 9)*

An yu ma'anchacha xjuntachalh, Dios la'ts'ilh li an lapanak yu xtat'ajuncha lakamunutpa'. Xta'ilhtuy tanlhun yu jantu laj'oxi chi ali xta'ilhtuputun. An Dios astancha najuni li ja'ilhtulh an lapanak. Najun li kalakt'ilhiya' an lapanakni chi wachu an jatalhitsukut.

Walh, pumatam lapanak xjuncan Noé, oxi lapanak xjunita, chux xkiklaka'iy Dios.

An Noé xt'utunk'an ixts'alan xjalhit'ajun, xajuncan Sem, Caín y Jafet.



**An Dios lhijunilh an Noé  
li ka'ilhtulh la'atam barko**

La'atam wilhchan Dios junilh an Noé:

—Oxi kla'ts'inta li sawalh ay tajunita an lapanakni ani lakat'un xlihyu aklhilakt'ilhicho'oya'. Klakask'in li k'a'ilht'u la'atam barko de k'iu chi k'alak'amuk'a chapupu. Wanaj ay k'a'ilht'u,

k'a'ilht'unin la'atam xamaticha chi x'a'sti', chi  
ixpulkani k'a'ilht'unin xacuartos.

'Akmala'achaya la'atam a'muxlut yu  
kalakt'ilhiya chux an lapanakni chi an  
jatalhitsukut. Pero uxint'i ak'ilhtuniyan la'atam  
chiwinti. Uxint'i chi chux an mint'alalhila'ts'inin  
k'at'anuyap'it'it an laka barco. Chi k'ama'anuyap'i  
wachu ali an jatalhitsukut tipatamin.

'An jatalhitsukut an yu ma'at'at'in xch'ajak'an,  
an jatalhitsukut an wa tatatanxe'e'an chi an tso'on  
k'ama'anut'i la'atujun xats'alh ali la'atujun xajats'i  
tipatamin jatalhitsukut yu lay k'alha'ulanant'it. Chi  
yu ali jatalhitsukut k'ama'anut'i wa la'atamin  
xats'alh chi la'atamin xajats'i tipatamin.

'Wachu k'at'amaknut'it wayti para uxitnan chi  
para an jatalhitsukut. Oxi k'at'anuyap'it'it an  
xpulkani an barko. Jantu tani k'at'ilat'it por yucha  
an a'muxlut.

An Noé ilhtulh tacha yu' junilh an Dios.




**An a'muxtut mintacha.**


Akxni ilhtu'olhcha  
an barko, an Dios junilh li  
kat'atajulgcha an sas'at'an  
chi an ali jatalhitsukut. An  
Noé chi an xt'iwi' chi an  
xt'ut'unk'an sts'alan chi an xt'ut'unk'an xjap'ut'in  
tatanulgcha an laka barko chi chux an  
jatalhitsukut. Wa chuncha an Dios  
malaklhchaulhcha an la xamaticha an barco.

An Noé xlhit'ajun 600 k'ata yu tawananchacha  
wa chuncha Dios mala'achachalh an xkan. Wanaj  
p'asni xtamayachilh an xkan t'up'uxam wilhchan,  
ts'isi chi tunkuj. An ali xkan pa'xajchilh an  
lakat'un. Wanaj lhuw alilh an xkan lakapuch'apalh  
an lakat'un.

An barko wanaj x'ukxnicha an lakxkan xt'ajun.  
An a'stitauk'an wanaj talaj'a'tsilh an lakxkan. An  
lapanakni yu xtat'ajun an lakat'un talakni'olh. An  
jatalhitsukut yu ma'at'at'i xch'ajak'an, chi an








jatalhitsukut yu wa xtatanxe'e'an chi an tso'on chux talakni'olh.

Wa yucha an Noé chi an sts'alan chi an jatalhitsukut yu xtatajumanalh an laka barko tata'alhtaxtulh.

Xlhi'astan tuka' la'alhuw malhkuyu xjun, an Dios tsukucho'olcha ma'alhtajucho'oy an xkan. An barko a'xixtamakaucholh an x'ukxni an a'stitauka yu junkan Ararat. Chi an xkan palaycha a'xixlhi. An Noé mati'alh an laka ventana an laka barko, makaulh la'atam pa'a. Ma la'ts'imputuncha li an xkan a'xixcho'otach pero an pa'a jantucha chincho'olh.

Wa chuncha makaupalh la'atam paloma, pero an



paloma chincho'olh mu x'alinka xkan an lakat'un.  
Tam samana junpalh mala'achapalh a'tami an  
paloma. Walh an paloma chincho'olh xtantipxta  
la'atam xajach'atin olivo. La'atam samana junpalh  
mala'achapalh ixlhi'at'utucha an paloma, jantucha  
chincho'olh.

Chuncha puk'atsalh an Noé li an t'un  
xixcho'o'ojotacha. Wachuncha mati'alhcha an laka  
malhticha talakxtuycha, pero tatanulhka' an laka  
barko ala'atam samana.



**An  
Xat'alalhila'ts'inin  
An Noé Tatakutlhi  
An Laka Barko**

Tapasalh tam k'ata  
akxni an Noé  
xtajuncha an laka

barko. Wa chuncha an Dios junilh an Noé li  
kat'atakutlhicha an sas'at'an chi an jatalhitsukut.  
Dios junilh katalhitsukuya an sas'at'ank'an chi  
katala'apula'tsamaya' an lakat'un.

Wa chuncha tatakutlhicha an laka barko chi an  
Noé ilhtulhcha la'atam pa'ulan de chiux. Wa  
chuncha jach'apayawl an jatalhitsukut chi an tso'on  
yu laycha kalha'ulanalh. Jama'nilh chi jala'xawal  
ancha lhiway an laka pa'ulan tacha lha'ulananih  
Dios.


An Dios sawalh oxi lhiwilalh an ixlha'ulan an  
Noé chi junilh li sawalh li akxni t'ajunka' an  
lakat'un jantu a'tam katilakt'ilhilh chux an lapanak

wa laka a'muxtut. Masi sawalh ay talakjunita.


Dios junilh an Noé li chaway an jatalhitsukut katatalhamniya' an lapanakni. Chaway an lapanakni laycha kata'uya xalhiway an jatalhitsukut pero an xak'alhni jantu katita'unilh.

An Dios wachu naulh li an lapanak o la'atam jatalhitsukut kama'niya apumatam lapanak, wachu wanaj kama'nikana', tacha la'atam xlhima'alh'ajna li





chuncha ilhtuy. An Dios wachu' prometerlanilh an  
Noé chi an sas'at'an li jantu katilakt'ilhilh an  
lakat'un ni an jatalhitsukut laka a'muxtut. Wa  
chuncha an Dios ulalh an xkulhmakchat an  
lakt'iyen tacha la'atam lhamacha'xan li sawalh an  
yu najun.



## **6. DIOS ILHTULH LI AN LAPANAKNI KATACHIWINILH TIPATAMIN CHIWINTI**

*(Basado en Genesis 11.1 – 9)*

Yu ma'anchacha xjuntachalh chux an lapanak xtachiwiniy wa tipatam chiwinti. Tsukulcha tatalhaway an lakat'un wanaj xlhukw'an tatamakawlh tanchun junkan Sinar. Tanawlh li kata'ilhtuya la'atam torre yu ay yu wanaj ka'akcha'ana' lakt'iyen.

Chuncha ta'iltulh porke xtanajun li

kala'amispakalh chi jantu xtalhila'a'iy li  
katatala'pitsilh an lakat'un, chi li ma'atcha  
katalamakawlh an ali'in. An Dios jantu oxi  
lhiwilalh an yu ixta'ilhtut'ajun. Wa chuncha ilhtulh  
li katachiwinilh an la'atamin grupo tipatamin  
chiwinti. Jantucha lay talalhimacha'xanilh an  
pumatamin. Chunchacha yu laycha jalhimala'pitsilh  
chux an lakat'un. An la'acha'an ta'an ixta'ilhtuy an  
torre junikalh Babel.







